

derligen / so fülen wir bald / wann man vns wolriechende Ding vorhelte / so erquickten wir vns / vnd kömen wider zu vns selbst. Also auch in dieser vnd andern infectionibus können vnd müssen die Spiritus, die durch Anziehung des contagii verderbt vnd contaminirt worden / wider also durch Rauch erholt vnd gebessert werden / vnd laß dir die Ursach gefallen vnd gnug seyn / viel Geschweß hilfft dich nicht. Man mag auch wol von andern Specereyen mancherley Rauch machen / allein vt sint specifica, vnd dem Giffte zuwider / vnd nach der Zeit des Jahrs.

De Vomitu, vom Vndawen.

CAP. V.

Vom
Vndä-
wen vnd
erbrechen
Vide Ale-
xicacum
Querce-
zani.

Vide E-
metologia
Angeli à
Sala.

Arcanū
zum er-
brechen /
vnd alles
aus dem
Magen
zureinige

Als Vndawen in dieser Sucht nuzt vnd ist sehr gut / nicht al-
lein von wegē des veneni contagiosi, solchs hinweg zu werfe
den / sonder auch / weil der Magen ohn das voller Roth vnd
Schleims / auch zu zeiten voller Gallen steckt / vnd dieser vomitus soll
enlende vnd bald profitirt werde / darzu dienen sonderlich Leinöl vnd dz
Nußöl / auch bitter Mandelöl / solcher ein Löffel voll oder 2. in warmen
▽ getruncken / vnd mit ein Federlin in solche Del getunckt / in Hals
gesteckt. Item wann man seudt Azarum, Haselwurß / vnd mischt
mit oxymelle oder Lerchen schwamm mit * gesotten / vnd ein wenig
Dillenöl darunder gemischt / würckē bald. Ein Federlin in oleo scor-
pionum getunckt / in Hals gesteckt / macht baldt würgen vnd schaden
nicht. Oder nimb * mit Meer Zwibel ʒj. Dillöl / ʒvj. sieds vnd
trinck's auß. Ich wil hie ein gewaltigs arcanum zu dieser Kranckheit
vnd zu allem Giffte fast dienlich / das nichts Vnreins im Magen läßt /
vnd alles von Grundt erhebt / sehen vnd Melden. R. Rad. brionia,
△ loncinita ʒatur ter. Ciclamini an. ʒ. iij. Helleb. albi ʒvj.
Diese Wurzen säuber ganz sauber von allem koth ab / wasche sie / vnd
stoß zu Pulver / (so sie seynd etwas im Lufft getruetnet worden) gieß
rectificirten spiritum vini dran / das er 2. Finger hoch vber die Wur-
zeln gehe / digerirs etlich Tag in balneo. Nachmals distilliers fein
langsam per alembicum, bis nimmer geht / die faeces nimm wider
auß / stoß wol / gieß das destilliert ▽ wider dran / vnd das thu 3. mal /
so ist